



Ruõ'psses da viõ'lǵǵes pei'vv

Saujj-Lää'ddjânnam räa'jest lij leämmaž jiännai muõtt tän tää'lv. Leä'p piässâm naaudšed čuõiggmõõžžâst da ålgganåarmõõžžâst. Kudd tä'lvv lij leämmaž E'mmel skîiñkk mi'jjid čorstemvuõ'jji diõtt levvjam jie'llem joo'ttjid. Aa'rhelkåå'dd tâ'vv-vue'zzin tä'lvv peštt veäl kuu'kk, leäša äi'jstes pei'vv suddad puk muõttjid kolggi vuäjjan. Kiið õõmâs lij sörigg e'pet tääi'ben.

Täin kiið vuârddmõõžž tobdlmin muu lij jeä'rben säärntõõllâm e'jjpei'vv-virss 105, Pei'vvem pâajaskaggõõði. Tõõžž saa'nid lij piijjâm mäddtäällneķ, ee'ttiķ-kå'ddneķ da lestadiolaž särrnai Leonard Typpõ (1868–1922), kåå'tt leäi Kalajokilaaksost Rautiost šâaddaž.

Viirsâst lij tøn sää'nteei dommvoudda da lestadiolaž åskk-kiõ'le õhttneeï mäainai diõtt õõldâs čõõnâs Oulu aa'rhelkådda. Tån diõtt viirs lie-i kåččam Oulu aa'rhelkåå'dd nõmmvirssân. Tåbððai samai fijnnsen, što aa'rhelkåå'dd virss õhttan jeä'rben e'jjpei'vva, risttõummi šuurmõs prää'znka.

Viirs sää'n lie säärntõõllâm mänggsid, ko koin säärnat siõmmna tiivtnalla da peittsallšânji "pei'vv lij riist å'lnn viõlggâd da ruõpssâd". Mâid tät ķiõllkartt miårkkšââvv? Pei'vv lij kartt Kristõõžžâst. Kristõs-peï'vv čuâvv riist å'lnn ruõpsseen da viõlggeen. Ruõpssâd lij Isõõžž suåvådvuõttvõõr eu'nn. Tõt saaggat, mii šõõddi strääšnaipiåtnâc. Kristõõžž suåvådvuõttvõõr võõ'rði mij rie'kkî diõtt. Viõ'lǵǵes pei'vv čuå'jat e'jjpei'v õmmâž årra, ko Kristõs pâajaskaggõõði da vuei'ti jåå'mmem vää'ld.

Vuârðam pue'tti e'jjpei'v tõnt, ko kuu'kk vuõrddum Ylivieska õðð ceerkav riistât åå'nnma. Tååimtam ceerkav åå'nnma risttmõõžž târkka vitt ee'jj vuå'mm ceerkav traaglaž puållmõõžž mâñña. Te'l ylivieskanee'kk jo'tte vuålasvuei'vi puållam räå'ķķes ceerkveez årra. Måång oummu pirr Lää'ddjânnam va'ldde vue'zz ylivieskanii'kkî pe'ccla, ko ku'le čåððmid kuõskteei õððåž ceerkav puållmõõžž diõtt.

Pue'tti e'jjpei'v, viid ee'jj ķee'jjest pue'llem mâñña, toobðålm lij samai nuu'bbnalla. Vuåžžap kiõččeed mooččås, õðð Ylivieska ceerkav, kåå'tt lij mâ'te pâajaskaggõõttmõõžž tue'låå õõmâs. Tõt lij kõnnjli da kuun kõõskåst kaggõõttâm räåmm katedraal. Ju'n leåmm'mõõžžines tõt mušttal seåmma saagg, koon a'ñǵǵel i'lmmti haamttõõvvâm neeznid kuåras ååu'd å'rnn: Isõs lij kaggõõttâm jaa'mmjest.

Tån Ylivieska seå'brrkåå'dd jõnn präå'znķest, Kalajokilaakso čåccõõžž læå'dvest, læåulat muu oudpeå'lnn peåggtem Leonard Typpõ tuejjeem viirs Pei'vvem pâajaskaggõõði. Čue'tt ee'jj šõõddmõõžžås mâñña virss škååjat õðð ceerkvest ci'sttjee'l Kristõõžž, kåå'tt lij riist å'lnn viõlggâd da ruõpssâd: Kristõõžž, kåå'tt lij suåvtam rie'kķeen da vuåittam jåå'mmem.

Ylivieska ceerkav risttåmpråå'zneķ lij Oulu aa'rhelkåå'dd präå'zneķpei'vv. Seå'brrkåå'dd Perhost Uccjoogg räjjja å'htte rammu. Kristõs kaggõõði jaa'mmjest, tuõði pâajaskaggõõði!

E'jjpei'vvpõõ'zzi oudpeå'lnn 2021,

Jukka Kesitalo
Oulu aa'rhelkåå'dd pispp